

欽定剿平三省邪匪方略

欽定剿平三省邪匪方略正編卷一百四十七

庚申年

二月初一日中 賊倫奏言竊臣前擬由墊江長

壽馳往江北合州一帶剿捕行抵墊江縣之登

溪舖地方探知賊匪搶過渠河現在岳池定遠

一帶隨於二十日改由鄰水一路趲程前進行

抵福成地方接據合州知州龔際美稟稱該州

屯紮龍市鎮之賊匪尙未移動十六日辰刻接

定遠縣知縣孫熙札稱探有賊匪一股竄至定
遠相近之李渡場十五日晚在該縣之石板沱
地方晒淺搶渡過江該處在定遠城以上五六
十里上通順慶蓬溪下至合州等語臣查賊匪
連年滋擾俱在嘉陵江之東北西南一帶未經
蹂躪均未紮寨防守其沿江州縣亦因有江可
守留兵不過一二百名卽防江鄉勇無事之時

似覺糜費臣亦不敢遽行裁撤然現在多祇二

三百名雖臣與額勒登保屢經札飭沿江各屬

加意防範船隻均令住泊西岸而石板沱淺灘

處所竟爲賊匪搶渡河西一帶完善之區遭其

滋擾究係臣調度失宜應請

皇上將臣交部治罪爲今之計賊旣過江則成都省

城關係最重次則重慶亦屬要地臣卽一面帶

兵星馳由鄰水廣安岳池順慶渡江查探賊情
若有直趨省城之勢

臣

卽由西而東相機進剿

查重慶鎮標除派出師外所存及新募兵丁爲
數尙單祇可爲守城之用不能分派迎頭堵剿
卽添募鄉勇亦恐一時不能得力查七十五現
在大寧一帶該處尙爲寧靜並有阿迪斯在彼
駐守界嶺有總兵德英領防堵聲勢已爲聯絡

自應調七十一帶領兵勇馳赴重慶堵剿

臣卽

一面飛咨七十五令其酌留兵丁五百名派委

將官一員交鄂迪斯添防大寧外其餘兵勇統

行帶領由萬縣梁山一路馳赴重慶並一面飛

咨叅贊德楞泰帶兵連回川省於嘉陵江北岸

一帶搜剿復恐賊勢蔓延川省兵力不敷並就

近飛咨貴州撫臣挑選勇健精兵三千名派令

總兵一員帶領來川協剿至前奉

撥川餉銀二百萬兩並續撥銀八十萬兩現在只

有江西所撥之三十四萬餘兩已到達州其餘

因棧道不靖尙在陝西鳳縣一帶停留查省城

軍需銀兩現在所存無幾賊旣過江則一應官

兵用費俱須就省局支發重慶順慶亦須預貯

銀兩以備軍需臣現已咨明廣興卽將達州局

所存銀兩內先撥四十萬兩以二十萬兩解交
省局以十萬兩解交重慶府十萬兩解交順慶
府均飭令該府收貯備用至此次渡江賊匪據
該州轉據定遠縣之札而該匪人數若干及首
逆姓名均未聲明查前此所稱江北合州一帶
賊匪只聞係冉添元及王姓陳姓爲王登廷徐
添德餘匪本日探知有張子聰雷思旺在內且

據州縣所稟或稱賊匪有四五千人或稱有七

八千人容_臣至前途確探奏

聞再賊匪渡江之處是否有文武官兵在彼防守並
俟查明據實核辦適又接據定遠縣知縣孫熙
稟稱賊匪於正月十五_二夜在石板沱梟水過河
搶渡船隻後占踞龍女_二渡口連夜過渡該縣
於十六日起至該處賊匪過河者已有三四十

八分股與兵役抗拒各寨團衆以守寨爲先協
堵之人實屬無幾十八日見接續過河之賊共
計不下萬人騎馬者約有千人旗分青藍白三
號詢之逃出難民據稱由渭子溪過渠河時賊
分三路今則會合一處有上下分擾之勢等語
臣當卽批令星速招募鄉勇協同各團寨合力
防堵並飛札沿河各屬嚴行堵禦奏入

上命軍機大臣傳諭魁倫曰前此派令魁倫前赴川
省原爲專辦糧餉地方事務未令帶兵後因額勒
登保赴甘截剿竄匪所有川省屯聚之賊節經降
旨責成魁倫剿辦伊亦情願帶兵剿賊況伊又係
四川總督該省緊要隘口及嘉陵江一帶自應預
行籌畫妥爲布置乃魁倫自接辦額勒登保軍務
後輒因等候檄調各兵勇又因支給鹽糧料理衣

履直至初八日方自遂州起程前進以致賊匪由
墊江南竄魁倫始向合州一帶迎截而川東如摸
樁賊匪不過殘敗匪徒時出搶掠官兵遂爲所牽
綴今合州屯紮之賊尙未移動又另有賊匪一股
竄至定遠之石板沱地方搶渡越過嘉陵江西岸
此非魁倫之失於防守而何卽云剿辦賊匪魁倫
甫經接手但嘉陵一帶江岸寧非該督所管地方

半年以來何得漫無防範致任賊匪多人乘虛搶渡前此魁倫屢以賊勢窮迫飢困爲言今該處賊匪過江者有三四千人分股與官兵抗拒又有接續過江之賊共計不下萬人騎馬者並有千人是賊勢甚爲鴟張如果早經窮困則此股賊匪萬人又於何處屯聚何從得食其賊營馬匹又如何餒養可見魁倫前次所奏竟屬虛詞尙有從前舊習

卽其前摺所稱北岸船隻早經調泊南岸之處亦殊不可信試思該處船隻俱已提泊南岸卽使賊匪先有踴淺梟水渡江者亦豈能將船隻悉行搶過北岸濟渡萬人及千餘馬匹可見嘉陵江西岸竟屬戒備空虛毫無防範卽賊匪亦不知於何時早經渡江而地方官並無知覺直見賊匪紛紛竄擾始以十五日晚在石板沱地方搶渡飾詞稟報

魁倫所辦荒唐錯謬大負委任前此川省各股賊匪雖在川東川北屯聚滋擾然並未擾及川西一帶官兵剿辦川東川北賊匪全藉川西川南地方寧靜用資接濟今竟任賊匪搶渡嘉陵江則川西一帶完善地方復遭蹂躪川東川北又豈尙有餘力爲之協助前次勒保在川辦理軍務因其久任達州遷延貽悞是以將伊治罪然彼時川省各股

賊匪尙不過保險竄聚未至蔓延今魁倫不但不
能將川境之賊設法殲除並任竄過嘉陵江西岸
試令自問其罪豈不更浮於勒保本應卽將魁倫
革職治罪姑念其平日居心頗直前在閩省辦事
尙能認真朕不辭姑息暫從寬貸先將魁倫拔去
花翎革職留任其頂戴因魁倫現在帶兵觀瞻所
係如卽行革去未免呼應不靈且爲賊匪輕視姑

著仍留頂戴以觀後效現在魁倫已由鄰水一帶

渡江帶兵進剿務須倍加感愧速行奮截並曉諭

該處民人以賊匪祇係乘虛偷渡魁倫已親統大

兵追剿尙有大兵接續前進無難撲滅該處民人

不必驚慌惟當同心合力多團鄉勇各保村莊爲

官兵助勢速殲竄匪以期安定人心協力堵禦至

魁倫業經貽誤於前此時轉不必心慌意亂以致

茫無調度惟當督率弁兵實力搜捕將此股竄匪
卽在川西定遠一帶設法截擊悉數殲除庶可稍
贖前愆卽使力有不敷亦應將賊匪仍逼回川東
川北併力合擊斷不可使之竄往西南擾至重慶
及成都省城倘仍前疎玩致賊匪深入川西川南
一帶將未被賊擾地方復行焚掠則魁倫之罪甚
大國法具在不能再爲曲貸矣總之魁倫身膺軍

旅重寄惟當以殄滅賊匪有裨國事爲重尙因身
獲重譴難以見朕卽思冒昧前進輕捐軀命所謂
徒死無益卽死亦屬辜負重恩現在魁倫雖罪有
應得朕尙不肯因魁倫而罪及其子仍令在乾清
門行走若魁倫惟知以一死塞責不但不能仰邀
恩卹亦當將伊貽誤失機之處治伊子以應得之
罪也現已降旨將勒保釋放賞給藍領侍衛馳往

甘省與額勒登保面商酌分兵力卽由彼處取道
赴川會剿德楞泰前已有旨令在陝省與台布剿
辦石泉賊匪茲川西情形緊急亦降旨令其由廣
元昭化一帶速赴川西與魁倫併力夾剿矣再七
十五原令帶兵前赴湖北協剿竄匪仍著魁倫察
看情形如楚省可以無須七十五前往卽令前赴
重慶協剿亦可惟在魁倫權其緩急不可顧此失

被方爲妥善至此次賊匪搶渡嘉陵江川西地方
官何以並未團勇防守其平日戒備空虛曾否稟
明總督因何任賊搶渡過江又此股賊匪昨冬究
在何處藏匿何以地方官毫無知覺之處並著魁
倫查明據實嚴叅治罪

上又命軍機大臣傳諭額勒登保那彥成曰額勒登
保本係在川省帶兵剿賊嗣因大股賊匪竄入甘

境伊卽自行帶兵馳赴徽秦而川省賊匪探知額勒登保已赴陝甘卽乘間分竄現據魁倫奏賊匪搶渡嘉陵江約有萬人馬千餘匹等語額勒登保在川時如各路竄匪尙多自應熟籌分兵剿辦乃並未妥爲布置卽自行帶兵前來以致賊匪乘虛肆竄是額勒登保之來甘未免輕舉冒昧上年冬間額勒登保奏報賊情屢稱賊勢窮蹙彼時朕卽

不深信今賊匪尙在陝甘及川省東北等處奔竄
且又搶渡嘉陵江闌入川省西面看此賊勢紛紛
肆竄尙得謂之窮蹙乎額勒登保平日辦事認真
從未肯以虛言入奏而窮蹙二字殊屬謊言印吏
額勒登保非有心飾詞亦不免誤聽官弁稟報未
能得實現在額勒登保業已帶兵到甘自應上緊
剿辦將此二萬賊匪卽於甘省迅速辦竣仍回川

剿辦渡江之賊若破時兵力猶覺稍單額勒登保
卽酌量情形或於甘涼寧夏各鎮內添調官兵以
資剿辦額勒登保不必以多費爲慮試思賊匪果
能及早辦竣一日則節省實多若延緩時日轉致
虛糜無益至川省迤西一帶現經賊匪闖入情形
甚爲著重並著額勒登保悉心籌畫或於甘境現
帶官兵內派出一枝令鎮將大員帶領於階文一

帶取道赴川以遏賊匪竄伺成都之路此爲最要
至那彥成前已帶兵馳赴兩當一帶剿捕大股竄
匪現在駐劄何處遇見何股賊匪曾否督兵打仗
總未經奏報豈那彥成竟安坐一處按兵不動必
待額勒登保會合始行辦賊耶那彥成務須督飭
所帶勁兵奮迅剿賊不可稍有貽誤若才力實有
不能不妨速行陳奏切勿貪功徼倖致負委任

上又命軍機大臣傳諭德楞泰曰前據台布奏賊匪
擾及石泉一帶已降旨命德楞泰帶兵馳赴石泉
會同台布協剿矣本日據魁倫奏川北賊匪搶渡
嘉陵江擾至川西有上下分竄之勢是成都重慶
地方均爲著重魁倫現已帶兵馳往剿辦但恐伊
一路兵力不敷據目下賊情而論川西自屬萬緊
著德楞泰卽帶兵趕回川省由廣元昭化一帶前

赴川西會同魁倫相機剿辦勿任各股竄匪乘虛
奔突致川省繁庶之區遭賊蹂躪也

同日

上諭內閣曰勒保前在雲貴總督任內剿辦犵苗歲
功完善蒙

皇考錫封侯爵嗣調任四川剿辦教匪因擒獲起事首

逆王三槐復荷

皇考殊恩晉封公爵上年朕親政之初卽授勒保爲經
畧界以事權冀其上緊辦賊迅速奏功乃勒保自
任經畧以後惟知安坐達州從未帶兵與賊接仗
僅將各路打仗情形彙奏塞責毫無調度以致賊
匪日久稽誅是以將勒保革職拿問解京審訊勒
保惟認遷延貽誤之罪無可置辯經軍機大臣會
同刑部遵朕前旨擬以斬候但念勒保前此辦理

狎苗尙爲安速至今黔省苗民寧貼其功實不可
泯卽在川省辦理教匪曾擒獲首逆王三槐且其
任經畧時各路亦曾頻獲首犯雖非勒保帶兵擒
捕究係伊所派調其罪止於安坐軍營一節竟似
帶兵打仗非伊分內之事而各路剿賊處所又未
能相度機宜隨時策應實屬大負委任然朕權衡
功罪務在持平勒保尙可功罪相抵伊在任亦尙

無營私等事著加恩釋放賞給藍翎侍衛帶兵贖
罪本應令伊自備資斧前往但恐行走遲滯著加
恩准其馳驛迅卽起程前往經畧額勒登保軍營
面商應赴何處剿賊卽行帶兵協剿伊現係領隊
之員自當以打仗殺賊爲事若能將賊匪痛加殲
戮或更有立功之處朕必加以恩擢勒保惟應倍
加奮勉不但可贖前罪並可益伊父溫福之愆倘

再不知感勵仍前玩誤卽當於軍營正法示衆不能屢邀寬貸矣

初二日乙酉廣興奏言川省軍興迄今數載川北

之保寧等處川東之達州所屬及夔州等府屬共有三十六縣在在均被賊擾蹂躪殆盡惟川南川西各州縣均以嘉陵江爲屏障成都等府州在大江之西安堵依然實爲民不知兵之所

卽軍營一切軍火軍裝糧石全藉此路預備轉
運最關緊要自嘉慶元年軍興以來賊匪從不
敢窺伺江邊惟藉狂奔無暇搶渡自上年十二
月二十五日經署領勒登保拔營赴陝協剿叅
贊德楞泰亦聞信趨赴陝西朱射斗調赴隨營
前抵達州魁倫又未肯急切出師三路之賊一
在東鄉太平之間一在南江通江之間一在新

寧梁山之間肆行滋擾朱射斗所追南江等處
之賊聞現已竄赴陝西德楞泰所追之賊尙在
東太交界遊奕此時德楞泰若迅速來川尙可
易於剿捕惟新寧梁山一股本係額勒登保追
擊旋因額勒登保赴陝無人管理自梁山墊江
大竹岳池廣安境及合州半月有餘無兵追趕
日漸蔓延滋擾而魁倫旣不肯出師又不先遣

鎮將前往不得已始冒昧奏

聞孰意賊匪自合州分股擾及定遠於十五日竟越
渡嘉陵江直趨南充地界其嘉陵江以西毫無
預備居民散處無兵無將且成都所運軍糧數
萬餘石俱接續而來賊匪旣已過江並無要隘
可以防堵成都綿州潼川等處均係繁富之區
賊匪更可肆行脅掠江以東旣不能稍爲節省

江以西又需添設鄉勇糜費更多未便再任因循魁倫故耽時日迂途繞路又將朱射斗之兵調回自衛遷延貽誤難逃

聖明洞鑒今賊匪旣已竄過嘉陵江斷非魁倫一旅之師所能勝任經畧前赴陝西原係遏賊赴甘之路救援寧海今川省成都等處係省會要區又川東川北後路喫緊更過於陝西且賊人已

過江七日不知滋擾又有幾縣尙未見魁倫發
兵救援伏懇

勅下額勒登保令其酌量陝省情形如能回師剿捕
固爲盡善卽不克分身亦務須速派得力巴圖
魯侍衛鎮將大員帶兵星夜赴川堵截至沿途
糧石臣一面飛札順慶潼川二府令其停運並
寬爲預備餉銀以備兵臨供應一面飭川北道

李鋹及派委同知黃銑駐劄順慶照料糧儲俾
免疎失再達州爲川東川北適中之地賊氛處
處可通前經額勒登保奏留總兵許文談駐劄

達州彈壓防護惟現在成都順慶等處更爲喫

緊被處並無大員臣不揣越俎亦不敢擁兵自

衛已商令該鎮酌帶兵弁速赴順慶一帶相機

策應所有達州一切事宜臣惟有盡心竭力督

率道府及同城署遊擊多福實力嚴防無虞疎
失奏入

上命軍機大臣傳諭廣興曰魁倫在川帶兵行走遲
延朕已深知且自接辦川省軍務以來不但不能
將川境之賊迅速殲除並疎於防範一任竄過嘉
陵江西岸使川西完善地方復遭蹂躪其罪甚重
本應革職拿問祇以一時帶兵乏人將魁倫革職

留任拔去花翎暫留頂戴令其立功自贖至新寧
梁山一股賊匪本係額勒登保追擊昨因帶兵赴
甘無人剿辦以致賊匪由梁山一帶擾及合州此
實額勒登保未能佈置妥協圖味輕舉之咎均已
降旨飭諭今廣興據實直陳係爲軍務起見所奏
尙是此時賊匪旣渡嘉陵江成都順慶等處甚爲
緊要廣興令許文謨帶兵前赴順慶相機策應所

辦亦是但達州爲存貯糧餉重地廣興惟當督同道府遊擊等實力嚴防毋得稍有疎失現在魁倫已帶兵從隣水渡江進剿並著廣興隨時探聽魁倫渡江後如何打仗殺賊情形及賊匪現在奔竄何處據實馳奏廣興總當以國事爲重秉公陳奏不可稍存私見至一切糧餉軍需係廣興專責所有魁倫一路及川省各處軍營務須源源運送若

稍有遲延缺乏惟廣興是問

上又命軍機大臣傳諭額勒登保曰昨據魁倫奏川
省賊匪搶渡嘉陵江西岸朕倍加焦急已降旨諭
知矣新寧梁山一股賊匪本係額勒登保追擊伊
赴甘時自應熟籌妥協將此股賊匪交魁倫上緊
剿辦乃並未妥爲佈置卽自行帶兵前往以致賊
匪搶渡嘉陵江使四年以來川西完善地方亦遭

蹂躪額勒登保輕舉冒昧之咎實所難辭昨已降
旨令德楞泰帶兵趕回川省古廣元昭化一帶前
赴川西會同恩倫相機剿辦並著額勒登保速派
鎮將大員酌帶官兵就近由階文一帶星夜加緊
取道赴川以遏賊匪窺伺成都省城之路省城及
重慶等處素稱繁庶今被賊擄掠其勢又復鴟張
雖已嚴飭恩倫奮力剿辦恐一時未能殲除此時

額勒登保惟當與那彥成上緊截剿將徽縣兩當
一帶賊匪卽在甘境剿淨不留餘孽額勒登保卽
可統領勝兵就近速由階文一帶徑赴川西與魁
倫會合剿辦更爲得力倘甘境賊匪被剿緊急勢
已窮蹙不過零星奔竄無難卽日辦竣額勒登保
迅卽統領原帶官兵星馳回川總之賊匪擾至川
西地方額勒登保魁倫失於防範均有應得之咎

即朕與軍機大臣亦難卸過必須速行剿滅庶益
朕與汝等之行至石泉紫陽一路如兵力稍單亦
著額勒登保酌分官兵幫同台布等剿捕惟在額
勒登保等察看緩急情形妥協辦理將派令何員
由階文一帶赴川及剿辦甘省賊匪情形迅速馳
奏

又命軍機大臣傳諭常明日昨據魁倫奏賊匪搶

渡嘉陵江西岸就近飛咨貴州巡撫挑兵三千名
赴川協剿等語賊匪旣渡嘉陵江則川西一帶未
經被賊地方恐遭蹂躪且距重慶成都較近情形
甚爲緊要急須兵力接濟著常明卽挑精兵三千
名並派素經行陣之鎮將等帶領速赴魁倫軍營
聽候調遣該省與川界毗連今有此項官兵聲勢
壯盛不但川省得此生兵之力足資剿辦並可遏

賊匪東竄黔省之路於邊防亦有裨益現在書麟
在緬寧剿辦裸匪距省較遠常明接奉此旨一面
知會該督一面派兵迅速起程不必等候書麟回
覆致有延誤並著常明於此次調赴川省兵丁三
千名外再預備精兵二三千以備續調之用倘川
西賊匪業經剿退無須復添兵力常明就近察探
的實即可毋庸多備也

上又命軍機大臣傳諭明亮曰前已降旨令明亮前
赴湖北竹谿一帶隨同松筠帶兵剿賊昨據魁倫
奏川省賊匪由定遠搶渡嘉陵江西岸魁倫已帶
兵過江剿辦並令德楞泰由陝赴川協剿嘉陵江
西岸距成都重慶已近地方緊要豈可令賊匪在
彼蔓延滋擾此時剿賊情形自以川西爲最要冬
添一帶兵之人卽多一人之力著傳諭明亮於途

次接奉此旨後由何路赴川較近卽取道速往魁
淪軍營幫同剿辦明亮係獲罪之人經朕加恩仍
令帶兵剿賊務當倍加感奮認真出力若能將川
西賊匪剿辦完竣不但可贖前愆尙當加以恩賞
也

同日弘豐奏言

臣

前因川陝逆匪尙未淨盡卽

密派官兵一千餘員名併軍械各項預備妥協

且不特差探聞有賊匪一二千名東竄之信續
又聞被官兵截退之語彼時臣卽欲奏請帶兵
前往邊境防剿因未奉有明

旨不敢輕舉妄動頃奉

諭旨令臣確探東竄賊匪爲數究有若干據臣懸揣

而論賊匪窮蹙疲於奔竄併力撲卡致傷兵弁
理固有之若云數千似非倭什布之數百名兵

勇所能剿退者況東竄賊匪果有逼近房保聲
息荆襄之民自必驚慌先賊東避今民情依然
寧貼似無他故惟賊匪尚在邊界游奕窺伺
雖駐荊州究竟心懸邊境況荊州有副都統海
興阿帶領官兵足資防守荊州距竹谿一千餘
里得信較遲仰懇

天恩准臣帶領官兵前赴襄陽一帶擇其要隘相機

防堵以遏賊匪東竄之路似於防剿兩有裨益
奏入

上命軍機大臣傳諭弘豐曰前因倭什布奏陝西平
利之賊竄至竹山竹谿併力撲卡約有五千餘名
旬日以來未據續有奏報自係楚省官兵業將竄
匪擊退前次倭什布所奏賊數未必確實今據弘
豐奏稱探聞賊匪一二千名東竄續被官兵擊退

若賊匪果有數千似非倭什布數百名兵勇所能
剿退所奏甚爲得要今弘豐旣已挑備兵丁器械
而倭什布近日又未將賊匪是否逼出楚境情形
奏到弘豐此時竟當帶領官兵前赴襄陽迤西一
帶聲稱帶兵數千爲倭什布遙壯聲勢並可鎮定
人心如彼時探知賊匪離楚已遠卽仍帶兵轉回
以省糜費若賊匪尙在楚境潛匿弘豐則當直抵

竹山竹谿堵剿計其時松筠亦應到彼弘豐正可
幫同剿辦但弘豐年近六旬且在宗室中行輩較
尊素未經歷行陣不必親冒矢石惟當督飭官兵
奮力截剿並沿途管束兵丁勿令滋擾閭閻官兵
行走本有應領口糧斷不可累及民間如有不遵
約束者卽當嚴行治罪勿稍姑息

初三日

丙戌

吳熊光奏言

臣

接據南北二鎮知會

探聞陝省石泉隴州一帶均有賊匪窺伺位若
還赴南路又恐西路有警是以在省確加探聽
今接陝西撫臣台布來信以石泉等處賊匪爲
數無多業飭將弁分投剿辦等語是豫省西路
尙可無虞而楚北竹山竹谿等處賊匪現據探
報分爲二股一股在縣屬之漳洛河屯聚一股
竄至火爬溝距房竹縣城均祇九十里恐仍欲

由保康舊路東竄督臣倭什布已帶兵前往截

剿臣一面飛飭臬司完顏岱等於襄江北岸察

探賊蹤趨向何處緊要卽前往嚴密防堵其往

來船筏等項留心稽查提泊俾免搶渡再目下

川省大股賊匪雖竄近甘境但一經官兵截剿

難保不復折回而山鎮商雒一帶悉係該匪等

熟由之地防範不可不嚴卽如上年夏秋張漢

潮竄往棧道及甘境滋擾一遇官兵攔截卽折
回陝省東竄五月間該匪竄回時正值鎮臣田
永桐帶兵赴江岸防守該匪卽從商南乘虛闖
入豫邊之界嶺地方是賊匪每向無兵處所竄
走而盧氏浙川一帶山徑叢雜較之南路防範
尤難臣再四斟酌鎮臣常林此時應仍令暫住
盧氏樂莊一帶督兵防守以昭慎密臣現赴江

岸籌防如有必須添兵之處卽令田永祠就近
帶兵由浙川赴彼較爲便捷統俟臣到彼後妥

酌奏

聞奏入

上命軍機大臣傳諭吳熊光曰陝西石泉一帶竄匪
爲數無多而湖北竹山竹谿等處賊匪現在分股
奔竄該省防堵不嚴致賊匪向東奔竄搶渡漢江

吳熊光督防江岸不可不倍加慎密該撫於防堵事宜素能認真但恐所派地方員弁堵禦稍懈或致疎縱均未可定現在川省賊匪因該處堵禦稍疎搶渡嘉陵江擾及川西已降旨令魁倫查明何員疎縱叅奏治罪吳熊光惟當督飭所屬實力防範如查有疎懈之員卽應據實嚴叅其湖北襄陽一帶現已命將軍弘豐帶兵馳赴協剿吳熊光駐

劄地方距二竹較近近日楚省竄匪情形總未據
倭什布奏報該撫如得有准信當卽行馳奏仍著
確察江岸一帶情形如有必須添兵之處卽令總
兵田永桐就近帶由浙川赴江防堵

同日廣興奏言

臣

接准署督臣魁倫咨酌調餉

銀四十萬兩分解成都順慶重慶等處以備兵
臨調取查達州局庫前次所解京餉及江西協

撥來餉銀共九十三萬餘兩三月之間臣摺節

支發及留備存貯各處兵餉共開除銀四十五萬兩每月支銷十餘萬較前實爲節省蒙

恩續撥銀兩因棧途阻隔均未來川現存達州局庫止有餉銀四十八萬現在賊匪一股雖竄河西其餘賊匪均在防兵鄉勇未敢裁撤而陝省之賊經額勒登保德楞泰追剿緊急折竄回川均

未可定一切糧餉亦均須預行籌備難以顧此失彼若照來咨撥銀四十萬則局庫存銀祇有八萬實不敷一月之用設銀不能續至所關亦屬緊要現在添調之貴州兵丁尙未來川不過僅係添募鄉勇防守城池臣與道府公同籌議現在順慶潼川正爲賊匪滋擾經過之區甚爲喫緊卽照魁倫來咨撥銀十萬兩派員解往重

慶係恐賊匪折回預備堵截之用情形尙可稍
緩酌撥銀五萬兩委員解赴存貯至成都爲省
會要區最關緊要惟現在賊匪竄至順潼卽係
由達州前赴省城要路若由達撥解旣恐中途
阻隔又延時日查藩司正月旬報尙存軍需銀
六十萬餘兩卽札飭署藩司先福於省局存銀
動撥二十萬存貯俟續請餉銀到川再行撥解

還欸惟是舊日軍營一切糧石軍火全資省城
一帶辦解今坐失機宜致令賊匪渡江設陝省
賊匪折回官兵追剿此路誠難接濟現在東鄉
太平遊奕賊匪又將半月無兵追趕日久因循
實堪焦慮原冀德楞泰回師撲滅德楞泰調赴
江岸堵剿之七十五亦經魁倫調赴重慶東太
一帶又屬空虛川東所關亦非淺鮮臣總司糧

餉諸事呼應難靈坐視調度失宜實難緘默奏

入

上命軍機大臣傳諭廣興曰川省賊匪搶渡嘉陵江
肆行竄擾官兵馳往截剿軍需餉項正當喫緊之
時廣興於接准魁倫咨會後卽撥銀十萬兩解赴
順慶潼川又撥銀五萬兩解赴重慶其成都省城
卽飭該藩司於省局動撥銀二十萬兩存貯預備

所辦尙是其節次由京續撥銀兩雖因棧道阻隔
未能解川但廣興亦當察探道路情形如已疏通
卽催令接續前進以資接濟至魁倫自接辦額勒
登保軍務後輒因等待兵勇及備辦鹽糧衣履等
事在達州耽延多日以致賊匪乘間奔竄而嘉陵
江岸不能預行防堵任賊匪搶渡過江擾及川西
種種玩誤疎防朕已早經照察節次嚴催初不待

廣興叅奏特因此時接手乏人仍令魁倫督率剿辦僅拔去花翎革職留任戴罪自贖並以伊現在帶兵其頂戴爲觀瞻所係未卽革退至魁倫應得罪意朕豈肯少爲寬假乃廣興於兩日內連次由八百里具摺馳奏俱以魁倫疎於防範調度失宜爲言看來竟係廣興與魁倫心懷嫌怨公報私忿縱圖傾陷魁倫激朕之怒此等卑鄙隱衷朕已早

經洞燭魁倫與廣興所辦均係國事豈得因彼此不和挾私逞忿現在魁倫帶兵進剿一切軍需正關緊要而糧餉等項皆係廣興專辦如魁倫一路有所需用廣興務須悉心籌畫隨時接濟俾無缺乏以期及早殄平賊匪倘廣興因挾有私嫌竟不及時給發使之掣肘是廣興必欲陷魁倫於死地祇係逞其報復之私而置軍儲重務於不顧直是

有心貽誤國事廣興之罪更重於魁倫矣必將伊
二人一併拿問治罪稟之慎之總之魁倫責任在
於剿賊廣興責任在於轉運如果廣興於應給糧
餉按時無缺而魁倫不能剿辦賊匪自當治魁倫
以應得之罪倘魁倫帶兵前進因糧餉不繼以致
辦理棘手則惟廣興是問其罪更無可貸也廣興
受朕深恩惟當以國事爲重化去偏私不得專以

叅訐爲能自干重戾

上又命軍機大臣傳諭德楞泰曰前因川省定遠賊
匪搶渡嘉陵江已降旨令德楞泰帶兵由廣元昭
化取道馳赴川西協同魁倫剿辦但現在川北地
方尙有賊匪奔竄魁倫已帶兵前往川西其東鄉
太平一路現無大員在彼督兵剿捕是川北轉屬
空虛倘此股賊匪亦思搶渡嘉陵江闌入川西則

魁倫旣進剿前路之賊後路復有賊匪奔竄轉致
前後瞻顧難於剿辦著德楞泰於經過廣元時察
看情形若川北賊匪尙多德楞泰卽留彼剿辦或
酌分兵力前赴川西亦可昨已有旨令明亮馳赴
川西該處帶兵亦不致乏人德楞泰惟當斟酌緩
急機宜妥爲辦理

初四日
亥丁
那彥成恒瑞奏言前因川匪竄至徽

縣兩當已近棧道

臣

等卽由褒城入棧行抵鳳

嶺擬從楊家店太渠前進途次接據各州縣稟

報徽縣兩當大股賊匪窺伺棧道欲竄南山聞

有大兵前來已合夥北竄三岔廳直渡渭河至

隴州清水秦安縣境內滋擾查隴州係鳳翔所

屬已在渭河北岸探知賊匪人數衆多到處搶

掠騾馬行走迅速北面無兵攔截賊匪若直趨

東北卽可抄至西安官兵如由兩當前進恐愈
驅向東北更屬非計

臣

等祇可改道由寶雞星

夜出棧趕赴隴州茲於二十五日行至清水縣

之恭門鎮探明賊匪直趨東北沿途焚殺勢甚

猖獗已到隴山鎮地方附近該處三十里內如

邵家莊太顏城楸木樹西溝等處村莊屯聚皆

滿臣等隨將所帶馬步官兵分派三路令副都

統扎克塔爾頭等侍衛多隆武副將九十李天
林遊擊安慶等爲右隊副都統銜綸布春桑吉
斯塔爾叅將朱士奉等爲左隊臣等帶領頭等
侍衛江鼎二等侍衛阿傑護軍叅領富蘭副將
海常叅將蕭福祿等爲中路二十六日子刻發
兵馳至隴山鎮地方天甫黎明賊匪正在齊集
起身不意大兵趕到悉上汪家山梁排列迎拒

察看汪家山南北橫亘梁頂寬平白山麓至巔
直礮層疊前阻溪河賊匪佔據山梁又有賊衆
在直礮上分三層排列旗幟甚多官兵若祇由
正面上山仰攻未易得手且川匪每於打仗時
從兩旁潛行抄截亦須預爲防備遂令扎克塔
爾等由右首進攻綸布春桑吉斯塔爾等由左
首進攻萬彪等鄉勇由正路上攻臣等居中督

策並將下山抄截之路派兵悉行截住賊匪見官兵渡河進攻有賊目數十人在山頂馳馬往來指揮羣賊從上壓下我兵擊退後賊仍恃其人衆極力衝壓數次勢甚兇悍維時馬步官兵人人振奮卽萬彪劉學謙所帶鄉勇亦皆不避鎗礮奮迅直前共殺賊六百餘名擒賊九十七名搶上山梁賊始紛紛潰亂分爲三股奔竄官

兵三路緊追鎗箭均無虛發又殺賊一千六百
餘名割取首級內認有僞元帥魏學勝之弟魏
學林前戰先鋒嚴士沛閭性等擒獲僞副帥余
禮賊目劉見志呂未爵楊正宗四名餘賊六百
二十三名沿途在窟內搜獲及鄉民擒獻逸匪
又有一百九名此次追殺賊匪經過隴州清水
秦安靜寧四州縣地方一百餘里翻越汪家山

入圖溝梁高廟金浚梁四重大山殲擒賊匪共
三千餘名搶獲大帥字旗一桿前戰先鋒前步
先鋒及黃號白號紅號藍號旗七十五桿烏鎗
刀矛三千三百零四件騾馬牛羊三千餘隻馬
鞍五百餘副又散出難民一千餘人且有被賊
拴繫項帶鐵鎖在沿途跪迎大兵叩頭者又復
無數俱酌加卹賞遣回安業所有擒獲活賊除

訊明正法外並提出數十名押送被賊焚殺各
村莊令村民自行鬻割以快民心再查此次打

仗祇有黑龍江兵富靈額德克登額身受微傷

亦不甚重所有打仗出力人員容

臣

等查明另

行保奏至秦州賊匪已分竄西和禮縣伏羌岷

州境內此時若仍折回

臣

等現剿之賊又竄秦

州均可由徽兩至棧道往南山

臣

等現至隴秦

一帶雖已截住竄往東北之路深以棧內空虛
爲慮頃接松筠知會經畧額勒登保已由褒城
入棧前進於剿捕機宜實爲允協臣等惟有相
機截擊和衷協力以期迅速肅事至臣那彥成
本督辦陝西軍務今旣移師入甘額勒登保亦
至甘省自應受其節制與叅贊德楞泰在川剿
賊時事同一例合無仰懇

聖恩授

臣

叅贊以符體制而一事權

那彥成又奏言

臣

欽奉

諭旨以剿捕數年尙未戡事必有受病根由今

臣據

實陳奏查陝境亂民本非劇賊其狡黠伎倆在

於善走善分無論道路險易日行一百數十里

探知何路無兵卽向何路奔竄遇有官兵截住

卽據險迎撲一時衝撲不動賊衆卽先返走隨

分作數十處四散奔逃翻越重山散而復聚若
賊首已被殲擒其次賊目卽爲賊首若賊衆被
官兵截斷一股卽分爲兩股或分爲三四股每
股之中又各以一賊爲首縱使剽剩二三百人
仍可糾約同教及啞匪紅簽匪徒益其黨與隨
分隨裹人數日多其中無賴棍徒尋常犯法會
經官爲懲治今入賊夥則報復仇隙恣意焚殺

搶奪無所不至故每以附從賊匪爲樂此等雖
本非邪教亦斷不肯就撫投出卽被官兵擊散
而他股過時仍復附從滋事卽如川省之賊經
額勒登保德楞泰等節次痛剿賊數實已大減
而自川竄入甘省轉復增多分爲四大股四股
中又分多股此不能立時撲滅之實情也各省
調派官兵從征至數年之久衝冒雨雪奔馳險

峻倍極辛勤每兵身負鳥鎗鉛藥腰刀銅罐等
項不下二十餘觔當追賊緊急時每日趕行不
下百數十里到營後掘壕造飯尙不能卽時休
息每行數日各隊俱有落後之兵而患病留養
陣亡傷故兵丁仍不在此數內核計現有之兵
實不及原調額數且各省兵丁不齊雲貴廣東
兵素爲勇捷能行山險直隸山東固原舊兵習

練已久打仗亦尙奮勇其餘別省兵丁皆不及
此數省若山西陝西之兵不過充備兵數尤不
足恃卽

盛京吉林索倫兵丁最爲勁旅而

盛京官素未出兵似不及吉林索倫兵之能耐辛
苦目下若將原調官兵甄別裁撤而各省多係
新兵無可更調更不如舊兵練習卽帶兵官員

內奮勇者不可多得其餘冬係中材每因出征
日久系念家室壯志漸隳甚至有畏難苟安之
人以獲譴革退早離軍營爲幸若將帶兵將領
遣回本營另行更調未必破勝於此且恐於軍
營道路賊情多不熟悉臣惟有駕馭撫綏因人
策勵以收指臂之效其中健將勁兵尤當加意
愛惜及鋒而用斷不肯令其冒險輕試稍致磨

損此官兵差等不同祇可量才調遣之實情也
至於賊匪分竄地方皆係深山僻地山中食物
本少又經賊匪搶掠一空物價異常昂貴兵丁
裹帶口糧剿賊數日卽盡不得不以貴價買食
勢不能等候糧運舍賊不追而糧運夫役負重
登山行走較緩且賊匪出沒無常若不預先探
明卽被搶掠逐日移營糧石斷難趕上此糧運

艱阻士不宿飽之實情也又堅壁清野之法最

爲制賊良策陝省民人屢經臣與台布勸諭冬

已修築堡寨查五郎以西民情究屬散漫團勇

全不足恃五郎以東因山據險辦理雖較嚴密

然亦祇將老弱眷口搬移寨內其糧食猪隻富

者恐貧者分用不肯全運入寨仍爲賊匪掠取

且寨內民人賊過卽行下山營生力作猝遇賊

匪折回奔避不及往往被賊裹去是以賊夥每有增添而賊糧亦不致斷絕此外尙有無知愚民愛護房屋預留食物在家使賊喜於得食藉免焚燒又有同教匪徒投入賊夥助其搶掠十餘日後仍行潛回此不但陝省爲然近日拿獲甘省賊匪卽有平日習教之人從賊後回家搬取眷屬亦與陝省情形相仿此民心不齊賊匪

尚得苟延殘喘也以上謹就臣見聞所及據實

陳奏均奏入

上命軍機大臣傳諭那彥成曰此次竄往徽縣兩當
大股賊匪渡過渭河至隴州清水秦安境內滋擾
那彥成改道由寶雞星夜出棧趕赴隴州清水爲
迎頭截擊之計乘賊匪屯聚隴山鎮地方分投滄
上山梁痛加殲戮倘從後尾追焉能得此勝仗可

見行軍之道總在察探賊匪奔竄之路預爲迎擊
則官兵所向無不如志此時賊匪自必聞風喪膽
已分竄西和禮縣等處那彥成於秦隴一帶截住
竄往東北之路而額勒登保由褒城入棧前進那
彥成正可與經畧會合夾擊卽在甘省界內滅此
大股賊匪實所厚望至那彥成旣與經畧額勒登
保同在甘省辦賊自應受其節制本欲將那彥成

授爲叅贊今那彥成自行懇請並稱和衷協力所
見甚是況前次軍營叅贊原有二員明亮之缺自
應將那彥成補授所有欽差大臣關防著卽移交
經畧額勒登保收存俟大功告竣與從前經畧印
信一併繳進此時額勒登保酌量情形若西和禮
縣一帶分股賊匪將次剿竣實在窮蹙可以放心
交那彥成接辦額勒登保方可遵照前旨由階文

一路速赴川西與魁倫併力剿辦其陝甘分股餘
匪及南山石泉等處賊匪俱責成那彥成一手剿
辦俟辦竣時如湖北竹山竹谿竄匪尙未剿滅則
那彥成竟當帶領勝兵前往湖北與松筠迅剿成
功被時川省剿賊之事如尙未竣那彥成再赴川
協剿那彥成現爲叅贊總當俟各處賊匪一律肅
清與經畧等奏凱還京同膺懋賞至賊匪裹脅良

民凌虐萬狀見官兵到彼叩頭跪迎可見賊匪肆
意慘毒百姓痛恨切骨惟望官兵速到以解倒懸
那彥成正當趁此機會出示廣爲曉諭以教匪滋
事以來焚毀村莊擄掠男婦殘忍逼脅無所不至
朝廷憐憫爾等慘遭荼毒命將出師分股剿捕四
載於茲所撥內帑數千餘萬無非欲速靖賊氛奠
安閭里沉爾等爲賊裹脅不特室廬被其焚毀貲

財被其搶掠且身被鎖繫困苦已極今投出之人
卽曾經從賊者亦赦其前罪送歸故里得以完聚
其被難良民無不優加體卹各遂其生爾等具有
天良斷不可因賊匪逼脅甘心附從務當各團鄉
勇自衛室家賊至則奮勇堵禦賊去則仍安生業
方不負朝廷百數十年來愛養保護之恩如此剴
切曉諭自可堅人心而散賊黨於剿辦機宜更爲

有益其投出難民必當遵照屢次安撫諭旨交各
地方官妥爲收卹然其中有曾經從賊之人亦不
可不密爲留意或遞回原籍或分別安置不可畱
在軍營或爲賊探送消息所謂受降如受敵那彥
成更當加意慎重又另摺奏剿賊難辦實情朕俱
早經深悉然帶兵大員果能齊心出力亦必無難
辦之事至所稱糧運往往不能接濟一節現在所

獲賊匪驟馬牛羊三千餘頭此項驟馬既可爲官
兵騎用而牛羊尤可接濟官兵口食亦於軍儲有
裨又本日閱刑部核擬湖北武童阮安國控案伊
於從前教匪滋事時隨營効力曾經總兵賞給行
營把總又經遊擊加賞千總勒保未經准行所辦
尙是國家名器豈伊等所得擅行濫賞嗣後各路
軍營遇有出力兵勇惟經畧及叅贊得以酌量賞

給頂戴仍行隨時具奏其餘帶兵各員不得擅自
賞給其有實在出力兵勇准其開列名單保薦呈
送經畧叅贊核辦以杜冒功濫賞之漸

上諭內閣曰那彥成督率官兵由寶雞出棧馳抵隴
州清水一帶乘賊匪屯聚隴山鎮地方馬步兵丁
分爲三路搶上山梁痛加殲戮殺賊二千二百餘
名擒獲七百餘名並生擒僞副帥余禮賊目劉見

志呂米爵楊正三四名奪獲旗矛鳥鎗甚多騾馬
牛羊三千餘頭匹並救出被髮難民千餘名甚屬
奮勇可嘉著授爲叅贊大臣賞給喜字玉搬指金
盒大小荷包等件仍著交部議敘恒瑞扎克塔爾
桑吉斯塔爾綸布春均屬奮勉恒瑞扎克塔爾各
賞玉搬指銀絲盒大小荷包扎克塔爾並著賞給
瑚爾察巴圖魯名號照例賞銀一百兩桑吉斯塔

爾綸布春各賞給玉搬指火鑷包大小荷包仍俱
著交部議敘

同日

上命軍機大臣傳諭魁倫曰近聞川北地方因賊勢
漸衰不獨地方官防堵稍懈卽川西百姓亦不似
從前認真防堵是以賊匪得以搶渡嘉陵江以致
川西完善之區遭其蹂躪實深焦切至重慶以東

聞有二郎關隘如能扼要堵截賊匪卽不能前至
重慶而成都更不至著緊魁倫從前在川多年地
里情形自應熟習著速將重慶守兵撥赴二郎關
嚴密防堵以截賊匪西竄之路則賊匪雖已過江
仍不致肆其搶掠至防江不力之地方官昨已有
旨令魁倫嚴查叅辦其附近民人不能自爲捍衛
固難責以疎防惟當諄切曉諭以國家設兵防卡

原爲保護閭閻但爾等民人安處室家亦宜幫助官兵各加防守乃合守望相助之義且賊匪到處裏脅民人室廬被其焚燬男女受其荼毒流離失所困苦難言現在大兵在甘省救出難民被賊匪拴鎖凌虐萬狀良民一經隨賊不獨官兵打仗時難分玉石卽將來得歸原籍其田廬室家俱已殘毀何如併力一心互相保聚爲官兵遙壯聲威

使賊匪不敢近前官兵更易剿辦如此明白曉示
庶可冀衆志成城於剿捕實有裨益也